

exaltationis sancte crucis anno domini MCCCC quinquagesimo
jubilei.

Original, dessen Siegel abgefallen ist, im Stadt-Archiv zu Quedlinburg.

401. *Die Städte Magdeburg, Braunschweig, Halle, Halberstadt, Quedlin-
5 burg, Aschersleben, Hildesheim, Göttingen, Hannover, Einbeck, Hameln,
Nordheim und Helmstedt verbünden sich mit Lübeck und Köln und den
in ihren Quartieren liegenden Städten auf die Dauer von sechs Jahren.*

1450. Dec. 22.

Wy borgermeistere und radmanne der stede Magdeborch Bruns-
10 wick Halle Halberstad Quedelingborch Asschersleve Hildesim Gottinge
Honover Embeke Hameln Northeim und Helmstede bekennen opinbar
mit dissem brife vor allen dij on sehen horen ader lesen, dat wij uns
mit den erliken steden Lubeck und Collen und den steden dij in oren
dridden deilen gelecht sin, also wij uns des mit on underlangs vor-
15 schreven und vorbrifet hebben nach lude eynes recesses, an sente
Mattei dage nehstvorgangen von uns und on to Lubecke besproken,
na guder betrachtunge, wolbedachtem mode, gudem berade und frien
willen dem almechtigen gode to love, dem hiligen Romschen rike to
eren dorch witliker notdorft nud frede und fromen willen der lande
20 und stede unrechter gewald weddertostande und ok umme trost hulpe
und were, dij unser eyn dem anderen tigen unrechter gewalt, wanner
des nod und behuff werd, don mach, mit ganczer eyndracht angegan
und gemaket hebben eyne frundlike tohopesate voreynunge vorstrickunge
und verbund jegen alsweme, utgenomen dat hilige Romsche rike, und
25 ok dat wij alle und eyn ichlick besunderen von uns steden unsen
rechten heren und eynem iowelken don wes wij von ere und rechte
pflichtich sin; und wij stede samptliken und eyn ithlick von uns schullen
und willen des hiligen Romisschen ricks straten, de dar gan to uns
steden und dar wedder von, den copman mit sinem gude pilgrimen
30 und den gemeynen wanderden man, de de straten wanderen, truwe-
liken vordedingen beschermen und beschutten wur wij konnen und
mogen, und worde iemande von uns steden der Hense in disser vor-
dracht und vorbuntnisse wesende von heren ritteren edder anderen
lichtverdigen gesellen, dij unbeslotet weren, ore gud up der straten
35 afgeleht edder genomen, imand gefangen edder beschediget, edder oft
jennige lichtverdige gesellen den copmann edder ackerman mortbran-
den berofeden edder beschedigeden, dar enboven dat de beschedigede
rechtes nicht utgegan, men des overbodich gewesen hedde und were
to plegende dar om dat geborde, so mach de beschedigede dat der
40 nehsten stad edder nehsten stede, dar dat bij geschin is edder dar dij
beschedigere entholden werden, to irkennende geven: de sulven stad
edder stede schullen dar umme truweliken und de eyne der anderen
mit flijte helpen, dat sodan gud dem copmann edder pilgremen wed-